



PRIFYSGOL
BANGOR
UNIVERSITY



ARWEINIAD I GYLLID MYFYRWYR



Mynediad yn 2022



ARIANNU EICH ASTUDIAETHAU

- Fel myfyriwr israddedig llawn-amser bydd gennych ddwy brif gost: eich ffioedd dysgu a'ch costau byw (tudalen 4-9).
- Does dim angen talu'r ffi ddysgu yn syth – ceir y ffi eu thalu gyda Benthyciad Ffi Ddysgu a gohirir ei dalu yn ôl tan ar ôl i chi raddio (tudalen 5).
- Yn achos myfyrwyr cymwys o Gymru, bydd Grant Dysgu Llywodraeth Cymru nad oes rhaid ei dalu'n ôl ar gael (tudalen 6).
- Gallwch wneud cais am Fenthyciad Cynhaliath i helpu gyda'ch costau byw tra rydych yn fyfyrwr (tudalen 7).
- Mae ysgoloriaethau a bwrsariaethau ar gael i roi cymorth ariannol ychwanegol (tudalen 10-15).
- Rydym yn awyddus i'ch helpu cyn gymaint â phosib ar faterion cyllid – mae cyngor ar gael cyn i chi wneud cais a thra rydych yn astudio, trwy'r Uned Cymorth Ariannol yn Gwasanaethau Myfyrwyr.
- Am y wybodaeth ddiweddaraf ewch i: www.bangor.ac.uk/cyllidmyfyrwyr

CYLLID MYFYRWYR

Fel myfyriwr israddedig llawn-amser bydd gennych ddwy brif gost: eich ffioedd dysgu ac eich costau byw.

Mae'r gost am eich cwrs, y ffi ddysgu, yn daliad wedi'i ohirio – rydych yn talu'r ffi ddysgu gyda Benthyciad Ffi Ddysgu a nid oes raid i chi ei dalu yn ôl nes i chi raddio a dechrau ennill dros £27,295 y flwyddyn (gweler tudalen 5).

Bydd eich costau byw tra byddwch yn fyfyrwr yn cynnwys eitemau fel llety, bwyd, llyfrau, dillad a theithio. Gallwch wneud cais am Fenthyciad Cynhaliaeth i'ch helpu gyda'ch costau byw (gweler tudalen 7).

Bydd myfyriwr cymwys o Gymru yn derbyn Grant Dysgu Llywodraeth Cymru o £1,000 y flwyddyn. Yn amodol ar incwm eich cartref ac os ydych yn byw gartref neu oddi cartref, efallai bydd myfyrwr o Gymru hefyd yn gymwys am grant ychwanegol ar sail prawf modd o hyd at £8,100 y flwyddyn (gweler tudalen 6).

Gallwch hefyd wneud cais am ysgoloriaethau a bwrsariaethau Prifysgol Bangor i'ch helpu gyda'ch costau byw (gweler tudalen 10-15).

Mae gan y rhan fwyaf o fyfyrwyr swyddi rhan-amser yn ystod y gwyliau ac/neu yn ystod y tymor i'w helpu gyda'u costau. Tra byddwch yma, gall TARGETConnect, y biwro cyflogaeth myfyrwyr, eich helpu i gael hyd i waith rhan-amser, tra bydd y cyfleoedd profiad gwaith sydd ar gael drwy'r Ganolfan Sgiliau a Chyflogadwyedd yn cyfoethogi eich CV.

Ffioedd Dysgu - talu am eich cwrs

- Bydd ffi ddysgu o £9,000 y flwyddyn yn 2022/23. Am y wybodaeth ddiweddaraf, ewch i: www.bangor.ac.uk/cyllidmyfyrwyr
- Nid oes raid i chi dalu unrhyw ffioedd dysgu tra ydych yn astudio (er y gallwch wneud hynny os dymunwch).
- Caiff y taliad ei ohirio nes ar ôl i chi raddio trwy Fenthyciad Ffi Ddysgu sy'n cael eu dalu yn yn uniongyrchol i'r Brifysgol gan y Cwmni Benthyciadau Myfyrwyr ar eich rhan.
- Byddwch yn dechrau ad-dalu eich benthyciad cyn gynted ag y byddwch yn dechrau ennill dros £27,295 y flwyddyn.
- Bydd angen gwneud cais am Fenthyciad Ffi Ddysgu. Gallwch wneud cais am eich Benthyciad Ffi Ddysgu, Benthyciad Cynhaliath a Grant Dysgu Llywodraeth Cymru ar y ffurflen *PN1 Cais am Gyllid i Fyfyrwyr*. Mae'r ffurflen ar gael i'w llenwi ar-lein ar wefan Cyllid Myfyrwyr Cymru: www.cyllidmyfyrwryrcymru.co.uk
- Mae'n debyg bydd ffurflenni cais Cyllid Myfyrwyr ar gael yn fuan yn 2022. Rydym yn eich cyngori i gwblhau'r ffurflen mor fuan â phosib i sicrhau bod eich asesiad ariannol yn cael ei gwblhau cyn i'ch cwrs ddechrau ym Medi 2022.
- Gall myfyrwyr llawn-amser cymwys wneud cais am fenthyciad ar gyfer swm lawn eu ffioedd dysgu. Caiff y Benthyciad Ffi Ddysgu ei dalu'n uniongyrchol i'r brifysgol i dalu'r ffioedd dysgu ar eich rhan.

Costau ychwanegol a chostau cwrs-benodol

Mae yna hefyd rai costau ychwanegol cyffredin sy'n debygol o godi i fyfyrwyr ar bob cwrs, er enghraifft:

- Os dewiswch chi astudio dramor neu gymryd y Flwyddyn Profiad Rhyngwladol fel rhan o'ch cwrs.
- Os ydych chi'n mynd i'ch Seremoni Raddio, bydd cost llogi gŵn a chost am docynnau i westeion ychwanegol.


Costau ychwanegol cwrs-benodol

Yn dibynnu ar y cwrs rydych chi'n ei astudio, efallai y bydd costau ychwanegol cwrs-benodol y bydd gofyn i chi eu talu. Gellir rhoi'r costau hyn mewn tri chategori:

Costau Gorfodol: mae'r rhain yn gysylltiedig â modiwl craidd neu orfodol penodol y mae'n ofynnol i chi ei gwblhau i gwblhau eich cymhwyster e.e. teithiau maes gorfodol, gwisgoedd i fyfyrwyr ar leoliad, gwiriad gan y Gwasanaeth Datgelu a Gwahardd (DBS).

Costau Angenrheidiol: efallai na fydd pob myfyriwr yn cael y costau hyn, a bydd yn amrywio yn dibynnu ar y cwrs e.e. aelodaeth o gorff proffesiynol, teithio i leoliadau, meddalwedd arbenigol, cyfarpar diogelu personol.

Costau Dewisol: costau sy'n dibynnu ar eich dewis o fodiwlau neu weithgaredd. Gall y rhain gynnwys digwyddiadau graddio ar gyfer eich cwrs, teithiau maes dewisol, triapiau Wythnos Groeso.



Grant Dysgu Llywodraeth Cymru i fyfyrwyr o Gymru

- Bydd gwerth lleiafswm o £1,000 ar gael i fyfyrwyr cymwys sy'n byw yng Nghymru.
- Yn amodol ar incwm eich cartref ac os ydych yn byw gartref neu oddi cartref, efallai bydd myfyrwyr o Gymru hefyd yn gymwys am grant ychwanegol ar sail prawf modd o hyd at £8,100 y flwyddyn.
- Gallwch wneud cais am y grant hon yn ychwanegol at y Benthyciad Cynhaliaeth a mathau eraill o gefnogaeth – ac nid oes raid i chi dalu'r arian yn ôl.
- Am y wybodaeth mwyaf diweddar, ewch i: www.cyllidmyfyrwrycymru.co.uk
- Gallwch wneud cais am eich Benthyciad Ffi Ddysgu, Benthyciad Cynhaliaeth a Grant Dysgu Llywodraeth Cymru nad oes angen ei ad-dalu ar y ffurflen *PN1 Cais am Gyllid i Fyfyrwyr*. Gallwch lenwi'r ffurflen ar-lein ar wefan Cyllid Myfyrwyr Cymru.
- Disgwylir i'r ffurflen *PN1 Cais am Gyllid i Fyfyrwyr* fod ar gael yn gynnar yn 2022. Cynghorir chi i gwblhau'r ffurflen cyn gyntad â phosib.
- Caiff grantiau eu talu'n uniongyrchol i'ch cyfrif banc neu gymdeithas adeiladu mewn tri rhandaliad – un ar ddechrau pob tymor.



Benthyciad Cynhaliaeth Cymorth Ychwanegol

- Mae Benthyciad Cynhaliaeth ar gael i'ch helpu gyda chostau byw fel llety, bwyd, llyfrau, dillad a theithio. Daw'r arian hwn gan y llywodraeth drwy'r Cwmni Benthyciadau Myfyrwyr.
- Mae cyfraddau'r benthyciad wedi ei seilio ar lle rydych yn byw ac astudio, incwm eich cartref a'r grant y mae gennych hawl i'w chael.
- Nid yw manylion llawn y Benthyciad Cynhaliaeth ar gyfer 2022 wedi cael eu cyhoeddi eto. Cewch y diweddaraf yma: www.cyllidmyfyrwrycymru.co.uk
- Gallwch wneud cais am eich Benthyciad Ffi Ddysgu, Benthyciad Cynhaliaeth a Grant Ddysgu Llywodraeth Cymru nad oes angen ei ad-dalu ar y ffurflen *PW1 Cais am Gyllid i Fyfrwyr*. Rhaid llenwi'r ffurflen ar-lein ar wefan Cyllid Myfyrwyr Cymru.
- Caiff y Benthyciad Cynhaliaeth ei dalu'n syth i'ch cyfrif banc neu gymdeithas adeiladu mewn tri rhandaliad – un ar ddechrau pob tymor.
- Mae'n rhaid i Benthyciad Cynhaliaeth gael ei dalu'n ôl unwaith y byddwch wedi gorffen eich cwrs ac yn ennill mwy na £27,295 y flwyddyn. Fel rheol bydd eich cyflogwr yn tynnu'r arian o'ch cyflog yn yr un ffordd a threth incwm a chyfraniadau Yswiriant Gwladol.
- Cyfradd llog isel iawn a godir ar fenthyciadau myfyrwyr – sef lefelau chwyddiant + 3% tra'n astudio. Bydd myfyrwyr yn ad-dalu'r benthyciadau ar ôl gorffen neu adael eu cwrs ac yn ennill mwy na £27,295 y flwyddyn.

Yn dibynnu ar eich amgylchiadau unigol, efallai y gallwch gael cefnogaeth ariannol ychwanegol at yr hyn a ddisgrifir mewn rhannau eraill o'r daflen hon.

Yn achos myfyrwyr anabl mae Lwfansau Myfyrwyr Anabl yn helpu gyda chostau a gewch ar eich cwrs, o ganlyniad uniongyrchol i'ch anabledd, anhawster dysgu penodol neu gyflwr iechyd hir-dymor. Yn dibynnu ar eich anghenion, gall y lwfans eich helpu, er engraifft, i gael offer arbenigol, i dalu i gynorthwyyr anfeddygol, neu i dalu at gostau teithio ychwanegol i'r brifysgol.

Gall myfyrwyr gyda phlant neu ddibynyddion eraill fod yn gymwys i gael cymorth ychwanegol megis y Grant Gofal Plant, Grant Dibynyddion sy'n Oedolion neu'r Lwfans i Rieni sy'n Ddysgu. I gael mwy o wybodaeth, ewch i: www.cyllidmyfyrwrycymru.co.uk

Cymorth tra byddwch yma

Ym Mhrifysgol Bangor, rydym yn awyddus i'ch helpu cymaint ag y gallwn gyda materion ariannol. Mae llawer o fyfyrwyr yn wynebu problemau ariannol rhywbryd yn ystod eu cwrs. Y peth pwysig yw gofyn am gymorth a chynghor cyn gynted â phosibl trwy gysylltu â'r Uned Cymorth Ariannol, yr Uned Cynrychiolaeth Academaidd yn Undeb y Myfyrwyr, neu eich Banc.

Efallai y gallwch gael cymorth ychwanegol gan y Brifysgol hefyd ar ôl i chi ddechrau eich cwrs. Mae Cronfa Caledi Bangor yn bodoli i roi cymorth ariannol i fyfyrwyr sy'n wynebu anhawster ariannol annisgwyl gyda'u costau byw am wahanol resymau.

Efallai na fydd rhaid talu'n ôl unrhyw arian a gewch o'r gronfa hon. Mae manylion ar bwy sy'n gymwys, a sut i wneud cais, ar gael o'r Uned Cymorth Ariannol o fewn Gwasanaethau Myfyrwyr unwaith y byddwch yma.

I gysylltu â'r Uned Cymorth Ariannol:
Ffôn: 01248 383566 / 383637
E-bost: cymorthariannol@bangor.ac.uk

Crynodeb

- Does dim angen talu'r ffioedd dysgu'n syth – gohirir talu tan ar ôl i chi raddio.
- Gallwch wneud cais am Fenthyciad Ffi Ddysgu fydd yn cael ei dalu'n uniongyrchol i'r Brifysgol i dalu'r ffioedd dysgu ar eich rhan.
- Byddwch yn dechrau ad-dalu eich Benthyciad Ffi Ddysgu cyn gynted ag y byddwch yn dechrau ennill dros r £27,295 y flwyddyn.
- Gellwch wneud cais am Fenthyciad Cynhaliaeth i helpu gyda'ch costau byw.
- Bydd pob myfyriwr cymwys o Gymru yn derbyn Grant Dysgu Llywodraeth Cymru o £1,000 y flwyddyn. Gall myfyrwyr hefyd fod yn gymwys am grant ychwanegol ar sail prawf modd.
- Mae cymorth ariannol ychwanegol ar gael i rai mathau o fyfyrwyr, er enghraifft, rhai gyda dibynyddion, myfyrwyr anabl.
- Am fwy o wybodaeth, ewch i: www.bangor.ac.uk/cyllidmyfyrwyr



BWRSARIAETHAU AC YSGOLORIAETHAU

Fel y byddech chi'n ei ddisgwyl
mewn prifysgol sy'n rhoi
cryn bwyslais ar gynorthwyo
myfyrwyr, rydyn ni'n awyddus
i gynnig help ychwanegol i
fyfyrwyr. Mae Prifysgol Bangor
yn cynnig bwrsariaethau
ac ysgoloriaethau ar gyfer
myfyrwyr newydd a rhai sy'n
dychwelyd.

Dyfernir bwrsariaethau yn
ôl meini prawf penodol – er
enghraifft, rhoddir Bwrsariaeth
Bangor i'r rhai sy'n gymwys
oherwydd incwm eu cartref.
Ar yr amod eich bod yn ateb
y meini prawf ac wedi llenwi'r
ffurflen briodol ar gyfer cyllid
i fyfyrwyr, dylech dderbyn
y fwsariaeth berthnasol yn
awtomataidd.

Teilyngdod yw maen prawf y
rhan fwyaf o'r Ysgoloriaethau
a gynigir gan y Brifysgol. Er
enghraifft, gall y rhai sy'n rhagori
yn arholiadau Ysgoloriaethau
Mynediad y Brifysgol ennill
Ysgoloriaethau Teilyngdod
gwerth hyd at £3,000.

Bwrsariaethau 2022

Bwrsariaethau Astudio trwy'r Gymraeg

Fel rhan o ymdrech Llywodraeth Cymru i gynyddu nifer y myfyrwyr sy'n astudio trwy'r Gymraeg, mae Prifysgol Bangor yn cynnig bwrsariaethau i gynorthwyo'r rheini sy'n dewis astudio trwy gyfrwng y Gymraeg. Mae bwrsariaethau o £250 y flwyddyn ar gael i'r rhai sy'n dewis astudio mwy na 40 credyd y flwyddyn drwy gyfrwng y Gymraeg.

Bwrsariaethau Cychwyn

Mae bwrsariaethau cychwyn o £1,000 yr un ar gael i'r rheini sy'n dod i'r Brifysgol o ofal, cyn breswylwyr Foyer a myfyrwyr wedi eu dieithrio. Bwriad y bwrsariaethau hyn yw talu am y llyfrau, y cyfarpar, y teithio a'r cymhorthion astudio sy'n gysylltiedig â'r cwrs. Unwaith yn unig yn ystod y flwyddyn gyntaf y bydd y bwrsariaethau hyn yn cael eu talu. Nid oes rhaid eu talu'n ôl.

Bwrsariaethau Gofalwyr

Mae'r Brifysgol yn ymwybodol y gallai gofalu fod â goblygiadau ariannol, gyda myfyrwyr yn cael costau teithio uwch, neu'n canfod na allent weithio'n rhan-amser mor rhwydd i ategu eu cyllid myfyrwyr. I helpu i ysgafnhau ychydig o'r pryderon ariannol hyn, mae Prifysgol Bangor yn cynnig bwrsariaeth flynyddol i fyfyrwyr sy'n ofalwyr di-dâl, o hyd at £1,000.

Cofiwch:

- I fod yn gymwys i gael unrhyw un o fwrsariaethau Bangor, rhaid i chi lenwi ffurflen gais am gyllid myfyriwr – dyma'r ffordd o asesu hawl myfyrwyr i gael benthyciadau, grantiau cynhaliaeth ac ati. Bydd yr un drefn (a'r un ffurflen) yn cynnwys asesu eich hawl i gael bwrsariaeth.
- Caiff taliadau bwrsariaethau eu gweinyddu a'u dosbarthu gan y Cwmni Benthyciadau Myfyrwyr ar ran y Brifysgol – felly rhaid i chi lenwi ffurflen gais am gyllid myfyriwr cyn gallu derbyn taliad bwrsariaeth gan Fangor.

Ysgoloriaethau Bangor

Mae Bangor yn cynnig cynllun ysgoloriaeth hael, gyda myfyrwyr israddedig yn derbyn rhyw £100,000 bob blwyddyn. Rhaid ichi wneud cais am yr Ysgoloriaethau sydd i'w gweld isod ac ar y dudalen nesaf.

Ysgoloriaethau Mynediad ac Ysgoloriaethau Teilyngdod

Fel rhan o gynllun Ysgoloriaethau Mynediad Bangor, mae oddeutu 40 Ysgoloriaeth Teilyngdod o hyd at £3,000 yr un ar gael i'r rheini sy'n rhagori yn arholiadau Ysgoloriaethau Mynediad blynyddol y Brifysgol.

I gael eich ystyried ar gyfer yr Ysgoloriaethau Teilyngdod ac Ysgoloriaethau Mynediad eraill, mae rhaid i chi:

- lenwi ffurflen gais yr Ysgoloriaethau Mynediad (dydd Mercher, 26 Ionawr 2022 yw'r dyddiad cau ar gyfer Ysgoloriaethau Mynediad 2022);
- sefyll arholiad yn eich dewis bwnc (bydd yr arholiadau'n cael eu cynnal yn eich ysgol/coleg ar ddydd Mercher, 9 Chwefror 2022).

Ar hyn o bryd, mae'r Brifysgol yn cynnig Ysgoloriaethau Mynediad yn y pynciau sy'n dilyn: Almaeneg, Astudiaethau Busnes, Astudiaethau Crefyddol, Astudiaethau'r Cyfryngau, Astudiaethau Theatr, Athroniaeth, Bioleg, Cerddoriaeth, Cyfrifiadureg, Cymdeithaseg, Cymraeg (fel iaith Gyntaf neu Ail iaith), Daearyddiaeth, Dylunio a Thechnoleg, Economeg, Eidaleg, Electroneg, Ffrangeg, Ffiseg, Gwyddorau Chwaraeon ac Ymarfer, Hanes, Iechyd a Gofal Cymdeithasol, Mathemateg, Seicoleg, Llenyddiaeth Saesneg, Iaith Saesneg, Sbaeneg, Tsieinëeg, Y Gyfraith.

Bydd yr ymgeiswyr llwyddianus yn derbyn yr Ysgoloriaeth Teilyngdod yn y flwyddyn gyntaf gyda'r wobr yn cael ei chyflwyno mewn seremoni ar ddiwedd tymor yr hydref.

Ysgoloriaethau Eraill

Mae Ysgoloriaethau Mynediad Bangor hefyd yn cynnwys nifer o ysgoloriaethau cronfeydd ymddiriedolaeth, ysgoloriaethau mae'r awdurdodau lleol yng Nghymru'n eu dyfarnu, ac ysgoloriaethau pwnc fel Ysgoloriaeth Ysgol y Gyfraith, Ysgoloriaethau'r Ysgol Addysg, ac Ysgoloriaethau'r Ysgol Cyfrifiadureg a Pheiranneg Electronig.

Am fwy o wybodaeth am yr Ysgoloriaethau Mynediad, gofynnwch am gopi o'r Llawlyfr Ysgoloriaethau Mynediad neu ewch i: www.bangor.ac.uk/ysgoloriaethau

Ysgoloriaethau Y Coleg Cymraeg Cenedlaethol

Prif Ysgoloriaethau'r Coleg

Mae'r Coleg Cymraeg Cenedlaethol yn cynnig ysgoloriaethau gwerth £1,000 y flwyddyn (£3,000 dros dair blynedd) ar gyfer cyrsiau gradd lle bydd myfyrwyr yn dilyn 240 credyd neu fwy trwy gyfrwng y Gymraeg.

I ymgeisio ar gyfer un o'r Ysgoloriaethau hyn ym Mangor, mae gofyn i chi sefyll ein arholiad Ysgoloriaethau Mynediad (manylion ynghynt).

Ysgoloriaethau Cymhelliant

Mae'r Coleg Cymraeg Cenedlaethol yn cynnig ysgoloriaethau gwerth £500 y flwyddyn (£1,500 dros dair blynedd) ar gyfer cyrsiau gradd lle bydd myfyrwyr yn astudio o leiaf 120 credyd trwy gyfrwng y Gymraeg.

Bydd yr ysgoloriaethau hyn ar gyfer cyrsiau penodol yn y meysydd academiaidd isod (lle bydd modd astudio o leiaf 40 credyd y flwyddyn drwy gyfrwng y Gymraeg):

- Busnes a Rheolaeth
- Cyfraith
- Gwyddorau'r Amgylchedd a Daearyddiaeth
- Gwyddorau ac Astudiaethau Chwaraeon
- Gwyddorau Iechyd
- Ieithoedd Modern
- Seicoleg

Mae mwy o wybodaeth ar gael ar y wefan:
www.colegcymraeg.ac.uk



Ysgoloriaethau Chwaraeon

Mae cynllun Ysgoloriaeth Chwaraeon Bangor yn cydnabod a chefnogi rhagoriaeth a chyrhaeddiad mewn chwaraeon.

Nid yw'r Ysgoloriaethau, sy'n werth £3,000 y flwyddyn, wedi'u cyfyngu i unrhyw gamp neilltuol nac i fyfyrwyr ar unrhyw gyrsiau penodol. Yn y rhan fwyaf o achosion fodd bynnag, rhoddir blaenoriaeth i'r unigolion hynny a fydd yn gallu cynrychioli Prifysgol Bangor yng nghystadlaethau Chwaraeon Prifysgolion a Cholegau Prydain (BUCS).

Er mwyn bod yn gymwys ar gyfer eich ystyried am Ysgoloriaeth Chwaraeon, rhaid i chi fod:

- Yn debygol o gyrraedd safle podiwm, neu safle a fydd yn sgorio pwyntiau, yn y bencampwriaeth BUCS briodol
- Yn gystadleuydd lefel Ewropeaidd, lefel y Gymanwlad neu lefel Byd yn eich camp neilltuol
- Yn cystadlu mewn camp neu ar lefel nad yw'n cynnig gwobrau ariannol.

I ymgeiswyr UCAS, y dyddiad cau ar gyfer ceisiadau ar gyfer yr Ysgoloriaeth Chwaraeon yw 31 Mawrth, 2022. Mae manylion llawn am y meini prawf a'r ffurflen gais ar gael ar y wefan ar: www.bangor.ac.uk/ysgoloriaethchwaraeon

Crynodeb

Mae'r bwrsariaethau ac ysgoloriaethau ar gyfer Medi 2022, yn cynnwys:

- Bwrsariaethau cyfrwng Cymraeg o £250 y flwyddyn i'r rhai sy'n dewis astudio'r cyfan neu ran o'u cwrs drwy gyfrwng y Gymraeg
- Ysgoloriaethau Teilyngdod o hyd at £3,000 ar gyfer y rheiny sy'n rhagori yn yr arholiadau Ysgoloriaethau Mynediad
- Ysgoloriaethau y Coleg Cymraeg Cenedlaethol – ysgoloriaethau gwerth £1,000 neu £500 y flwyddyn ar gael. Gweler y wefan am fwy o wybodaeth: www.colegcymraeg.ac.uk

Sylwer: Mae Prifysgol Bangor wedi gwneud popeth i sicrhau bod y wybodaeth yn y llyfryn hwn yn gywir adeg ei gyhoeddi (Rhagfyr 2021). Fodd bynnag, gall y wybodaeth newid os bydd penderfyniadau a wneir yn y Brifysgol neu'r tu allan iddi yn effeithio ar bolisiau a dulliau gweithredu yn ymwneud â ffioedd, bwrsariaethau, grantiau a benthyciadau.



